

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書


子部
第一四一冊



魯新登字 07 號

責任編輯：孫言誠 賀 偉

ISBN 7-5333-0478-0



9 787533 304782 >

EB62/11

四庫全書存目叢書·子部一四一

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 51.5 印張

1995 年 9 月第 1 版 1995 年 9 月第 1 次印刷

印數 1—100

ISBN 7-5333-0478-0

Z·27 子部定價：78300 圓

子部第一四一冊目次

子部·雜家類

稗史彙編一百七十五卷(三)

〔明〕王圻輯
遼寧省圖書館藏明萬曆刻本

.....

一

稗史彙編一百七十五卷

(三)

〔明〕王圻輯

遼寧省圖書館藏明萬曆刻本

稗史彙編卷之七十七

海右閒民王圻纂集

職官門

省監類

秘書省

漢書藝文志武帝建藏書府置寫書官故曰秘書明
帝置監魏置丞後魏曰芸臺唐初曰秘書省龍朔
二年改爲蘭臺天授年改爲麟臺咸亨元年復爲
秘書省

病坊

稗史彙編

卷之七十七

十

三百四十四

唐初秘書省望雖清雅而實非要處俗以監爲宰相
病坊少監爲給事病坊丞及著作爲尚書郎病坊
秘書及佐郎爲監察病坊言侍從有不任煩劇者
當改入此省

聞奇

儲官類

儲職

顓頊始置樂正以教胄子殷湯始置王世子六傳周
公加以庶子秦始皇始置詹事府詹事洗馬家令
魏文帝始置侍講舍人北齊分置門下典書二坊
即唐之左右春坊以庶子堂之隋文帝初置中允

謂之內允即今之贊善唐高宗始置賓客論德率更令玄宗始置少詹事文宗始置侍講

賓客

漢高祖欲易太子呂后用留侯計迎四皓以定太子故賓客之名始起于此孝文爲太子立思賢苑以招賓客孝武爲太子立博望苑使通賓客自晉愍懷建官惠帝使衛庭司馬署等五人更往來備賓友雖非官而謂之東宮賓客唐顯慶元年正月于志寧等爲太子賓客遂以名官定制四人蓋取諸子四皓

神史彙編

卷之七

七

太子率更

徐常侍鉉自江南歸朝以右散騎常侍貶靖難軍行軍司馬卒于邠州鉉無子其弟錯有後居金陵鉉錯語勸備存甚多其間有自江南歸朝初授官錯云歸明人僞銀青光祿大夫知內史上柱國徐鉉可依前銀青光祿大夫守太子率更令云云知內史乃江南宰相也銀青存其階官也

諫官類

御史大夫

周禮春官宗伯之屬有御史掌贊書戰國時秦趙會

池各命御史書鼓瑟擊缶之事淳于髡謂王曰御史在前則上古皆爲記事之官也秦漢以來始糾察風憲然則御史蓋周官也秦置御史大夫以爲御史之率故曰大夫

御史臺

御史者周柱下史之職秦置御史大夫及中丞爲執法之官漢書曰尚書爲內臺御史爲憲臺謂稽爲外臺是謂三臺朝廷分御史爲左肅政臺以司隸校尉爲右肅政臺近代不置司隸校尉仍舊爲御史丞爲憲長二院御史俱曰臺官故事臺北開門者以法司主陰取冬殺之義或曰隋初兵部尚書李員通兼御史大夫欲使向省便近故開北門

六察

唐百官志曰監察御史分察尚書省六司與元元年一人察吏禮部一人察兵工部一人察戶刑部歲中議殿最元和中以新人不使無以觀能否乃命專察尚書省號六察唐會要曰元和四年五月御史臺奏舊例監察御史從下第一六人各察尚書省一司是也宋朝會要曰國家每臨時差六察監察兵察戶察察禮察工察元豐中神宗始置六

案御史臺

言事官

言事官舊有三殺之語街裡喝殺朝裡哄殺家裡餓殺餓殺謂俸薄也近又添二殺論事不報悶殺臨了沒結殺

御史本草

侍御史號雜端最爲雄劇臺中會聚則千座南設橫榻號南床又曰痴床言登此床者倨傲如痴又唐封演見聞記言御史舊例初入臺陪直二十五日爲伏豹取不出之義謂之豹直賈忠言撰御史本草史集編卷之十七

四

草以裡行爲舍口椒微毒殿中爲羅綺侍御爲脆梨言漸入佳味遷南省號甘草言可以久安也見御史記畧

端公

唐侍御史職有四謂惟端公廨事臺內之事悉主之號爲台端他人稱之曰端公其語自唐始

南床

唐制故事御史食坐之南設橫榻謂之南床殿中監察不得坐也唯侍御坐焉凡侍御例不出累月而遷南省者故號爲南床今猶有是循唐故事也

獨坐

後漢宣秉傳曰光武建武元年秉拜御史中丞特詔與司隸校尉尚書令並專車而坐故京師號曰三獨坐今中丞亦循其制始自漢東京迄今爲故事

三院

唐有三院御史臺侍御史謂之臺院殿中侍御史謂之殿院監察御史謂之察院太常寺有四院天有院御史院樂懸院神厨院皆有司耳五代有樞密院鹽鐵院糧料院等品秩亦不高宋朝樞密本兵禮部二府又有學士院舍人院爲兩制下則糧料院史集編卷之十七

五

審計進奏官詰登聞檢鼓是爲六院皇太子之居謂之某王宮王子則分院世俗目之曰官院僧寺亦賜名院而院之爲義始不一矣

起居舍人

唐制起居郎起居舍人在紫宸內閣則夾香案立殿下直第二螭首和墨濡筆皆即堦砌時號螭頭所謂螭首者蓋殿陛間壓堦石上鐫鑿之飾今僧寺佛殿多有之或云唐殿多千陛之四角出石螭首訖了

治平元年孫覺與曾南豐言曰聞臺官以數言事不

居相約共爭濮王事不聽則決去蓋是時知雜御
史呂誨呂大防范純仁等與諫官司馬光數論孫
固庸回王廣淵奸邪其言愈切而用之愈堅事類
此者甚衆凡臺官諫官言入進呈訖寢之時人謂
之訖了臺吏每白御史某事又訖了也蓋執政方
持權欲一切以沮言者而言者以不能塞職爲慙
故相約如此後數日果聞臺官論濮王事甚急疏
已七八上不聽皆納敕求罷去臺官不留一人京
師爲之語曰絕市無臺官然人主猶采物論後來
者其言愈厲南豐
雜記

御史彙編

卷之五十七

木

憲長

憲長今世類以稱按察使按宋人等錄寶元中御史
府闕中丞仁宗問李淑以憲長久虛之故李奏呂
夷簡欲用蘇紳矣上問夷簡夷簡曰中丞風憲之
長自宰相而下皆得彈擊其選當出聖意臣等豈
敢詮量上頷之然則憲長御史大夫中丞之稱也

言官挾私

皇明制律風憲官挾私彈事罪如誣告人加等反坐
洪武永樂宣德間未有敢挾私彈劾人者正統初
頒行憲綱亦禁挾私言事又禁彈劾大臣生殺予

朝廷不許再劾是以當時有直言敢諫之
臣而無舉親劾讐之事如鮮縉之于永樂戈謙之
於宣德劉球之於正統有忠直而無奸私至于聽
大臣指使作鷹犬搏擊人如晚宋之風者則箴聞
焉如 朝廷已知臣下奸惡亦必令言官彈劾而
後加罪者尤未聞也始自徐有貞乘 英宗復辟
之初欲害于謙等始假六科十三道都給事中王
鏊等之奏以爲獄案 英宗欲罪徐有貞等遂倣
前例 召言官劾奏而後下之獄此端一開遂不
可改而鷹犬之輩從此出矣

御史彙編

卷之五十七

七

監察

隋文帝開皇三年始曰監察御史宋朝會要曰太平
興國三年以張巽爲監察御史先是三院多外徙
風憲之職用他官領之遂詔正名舉職自此始宋
朝之制凡職事官皆他官領之惟三院御史自是
始正其名也

直臣

胡侍御澤之劾張宏也因侵及馮保胡被 命按遼
則保秉筆于中矣會有星變胡因上疏乞放宮人
以當天戒且曰唐高不君則天爲虐 上覽而大

忽以問江陵江陵時初政寬漫解曰是在古語不足竟上稍釋放胡還編氓而已

卿寺類

祭酒

孫卿在齊爲三老稱祭酒漢吳王漢爲劉氏祭酒又漢博士聰明有威重者一人爲博士祭酒古者得主人饌則老者一人舉酒以祭地故以祭酒爲稱晉咸寧中初立國子學始置國子祭酒周成王時彫伯爲祭酒主親屬秦漢因之高祖七年自櫟陽徙長安置祭酒一人掌錄敘王國嫡庶及宗親遠

釋史彙編卷之十七

八

百九十六

近郡國歲所上宗室名

文學

漢郡國初皆有文學掾則文學漢官也唐會要曰大曆十四年十二月五日諸州府學博士改爲文學品秩同參軍唐志曰文學授千吏部然無職事衣冠耻之故以爲散官

冷官

唐玄宗以鄭虔之才不事事爲置廣文館以虔爲博士而無曹司杜鵑詩諸公袞袞登臺省廣文先生官獨冷非以學館爲冷以登臺有爲進用蓋言諸

公日趙省局獨廣文無職掌耳今以教道之職爲冷官意正相反廣文館與四門太學國子學並列亦即文學之職

學官

官者管也一職皆立一官使之典管也故官舍所在皆名爲官其曰學者學舍也五帝官天下以天下爲公而使仕者任之是爲官也三王家天下則以天下爲已有者也然則學官之義可想矣謂吳有舡官餘杭有鹽官成都有錦官齊出三服有工官其爲官一也

釋史彙編卷之十七

九

二四九

宗正

周官也在周禮實小宗伯之職宋百官春秋曰周封兄弟之國十有五同姓之國三十有五選其宗之長而董正之謂之宗正秦因其說置宗正兩漢皆授皇族不雜姓晉始兼庶姓也舊唐志曰經星有宗正在帝座東南漢高紀七年二月置宗正官以序九族

大理

齊職儀曰古官也管子曰黃帝得后土辨乎北方使爲李春秋苞曰堯爲天子得皋陶爲士官

詩外傳晉文公使李離爲大理春秋左氏傳衛侯與元咺訟士榮爲大理新序楚昭王石奢爲大理則大理之名始自春秋秦爲廷尉漢景帝中元中更名大理蓋漢復古號也唐書曰取天官貴人之牢曰大理即周禮士師之職孟詵錦帶前書載三代法官之名則曰士夏曰大理也

鴻臚

周官大行人也于寶曰亦周禮象胥之職秦爲典客掌諸侯四方歸義蠻夷漢曰大鴻臚應劭曰鴻聲臚傳也傳聲贊道也劉熙曰鴻大也臚陳也欲以

史集編 卷之七十七

十

三十三

大禮序陳賓客也馮鑑事始曰楚云連敖漢爲典屬國按漢氏典屬國自爲一職非鴻臚之任

客省使

漢有公車司馬令掌天下上章四方貢獻闕下蓋唐客省之職也唐會要曰永泰以後多四方奉計或連歲不遣乃于右臺門置客省以居之上書言事審戎將吏蓋于此待報唐書李師道崔承慶入奏待命客省是也會要曰昭宗天祐元年四月敕有客省使疑自代宗以來始命其官也

四方館使

通典曰魏改漢大行令爲客館今宋初置南北客館周置東西南北四掌客後爲四方館宋朝會要曰唐四方館以使舍人隸中書省宋朝初以檢校官判館事淳化四年改置使名則四方館使自宋朝太宗始也

翰林使

宋朝會要曰唐有翰林使掌技術以待詔者五代有翰林茶酒使宋朝初有茶酒使後止云翰林使

制誥兩房

兩閣有兩房制勅房爲東房誥勅房爲西房即閣老

史集編 卷之七十七

七

三十四

屬官其官有卿少卿司丞府丞郎中員外郎主事大理寺寺正寺副評事中書舍人鴻臚寺主簿序班署丞等官俸帶于列銜衙門實供事內閣權官至卿而止蓋由此上即侍郎都御史未有侍郎都御史尚爲屬閣老散官有加至二品爲資政大夫者中以進士選者不過五六人餘皆舉人監生恩生儒士輩人每謂穉流輕薄者又云此皆替閣老持馬子者世俗謂洩便藥器爲馬子由進士選此者無彈擊虞無簿書累自主事至寺卿特二十年至寺卿即可擢都御史侍郎正德間阜城沈尚書

魁巴縣蔣侍郎恭皆由進士入兩房漸至六卿然
非立法本意頃觀齊職制云漢侍中掌乘輿物繫
罷有獸子之屬故呼侍中爲執獸子然則今所謂
持馬子殆古所謂執獸子者歟

使者

漢官名有不書千百官表而因事乃見者如行冤獄
使者因張敞殺絮舜而見美俗使者因何益代嚴
詔而見河隄使者因王延世塞決河而見直指使
者因暴勝之而見豈非因事置官事已即罷職又
漢史武帝時有監北軍使者昭帝時有稻田使者

神史彙編

卷之七十七

七

三

元帝時有護苑使者

流外

通典曰凡府史胥吏守局既久積月累勞故得齒于
下品文中子曰吏而廢位非古也推此疑歸隋之
制唐有流外勳品自諸錄事及五省令史始焉謂
之流外自茲始也

夕拜

漢給事中故事每日暮時入對青瑣門拜故謂之夕
拜亦爲夕郎

雜職類

後苑官

禁中後苑官亦有後苑使主綱領本苑事權幹辦亦
有後苑官監視苑內一切之事有大主管小主吏
亦謂之煖盪官又有煎烙使臣

司理

漢公府有決曹掾主罪法事通典以爲法曹之職白
氏六帖則云魏置理曹掾蓋法曹也即今司理之
任舊制諸州有馬步院及子城院主禁繫訊獄張
緒續錦里耆舊傳曰開寶六年秋勅改馬步院爲
司理院廢馬步都虞候除文質爲司理泰軍成都

神史彙編

卷之七十七

七

三

雄藩一十六處置左右馬子城院不得禁繫公事
日夷簡三朝寶訓曰太祖開寶六年謂近臣曰諸
州馬步判官比來止選牙校爲之刑獄人命所繫
當選士流任之蓋自是始置司理之官

錄事

漢司隸屬有功曹從事史兼錄衆事在州爲治中又
有督郵主簿皆錄事之任也晉始置錄事參軍刺
史有軍而府者並置之本爲公府官非州職也續
事始曰後漢有郡主簿亦曰督郵隋以錄事參軍
代之掌勾稽文簿舉彈善惡監牌印給紙筆之事

職官門

司天類

司天臺

按史曰昔在顓頊命南正重司天北正黎司地唐虞之際分命羲和紹重黎之後使復典之周昭王時有太史漢爲太史局以司馬談爲太史令撰述國史至唐乾元元年置司天臺臺內別置一院名曰觀象院應有天文道術人皆于此安置其太史令

稗史彙編卷之七十八

十

三百五

改爲司天監惟掌天文而已

太史令

少昊鳳鳥氏爲曆正夏后曰太史周禮爲春官宗伯之屬秦爲太史令唐乾元間改曰司天監宋朝神宗正官名復爲太史令

司天官

天文莫善于晉志以所修者李淳風氏也天官莫缺于本朝以所守者疇人子弟也

推算

蘇州府總陳煥善算田以其法算天文甚驗嘗曰今

肅元初京兆河南曰司錄六曹宋朝京邑大府以京朝官領其事曰知其非京官而資考久次者亦曰知三輔決錄章康成爲郡主簿是也

書記

漢書百官志曰王公及大將軍幕府皆有記室掌章表書記續事始引魏志太祖以陳琳阮瑀爲記室文帝與吳脣書稱孔璋章表殊健元瑜書記翩翩宋江夏王乃以丘原爲掌書記而未爲職名唐開元元年勅節度置掌書記自後藩侯得自奏請

參軍

漢書帝時陶謙以幽州判使參司空張溫軍事魏志太祖以荀彧爲侍中持節參丞相軍事又晉干寶司徒儀掾屬有行參軍又石苞拜大司馬以孫楚參軍楚負才氣初至長揖謂苞曰天子命我參卿軍事其後號參軍自晉以大督府置參軍掌出使彈責非爲之事其職漸卑列于六曹之下

續事始

年日當薄而不蝕乃司天臺言日食不驗其後壤上書今臺較算報能誰謂臺官不如一府算乎夫用人者亦旁采之而已

諸使類

府提點

宋朝景德二年三月敕置開封府界提點之官呂夷簡三朝實訓曰真宗謂近臣曰諸道刑獄皆遣官提點唯京師無之去夏開封府訊進士寒符暴於日中裂其背而鞠之無狀炎暑之際罪未見情枉罪虐毒令置司命京師刑獄處悉糾之

遠使三人

建炎兵興從使絕域者廝輿輩亦稱官諺語曰歸爲官人病爲死人留爲番人

玄宗朝置諸使

脩奉太廟使太清宮使禮儀使園苑使開廐使莊宅使內諸軍使左右街使黜陟使巡撫使宣慰使國冊立使弔祭使選補使會盟使監牧使供軍糧料權監使給納使和糴使太倉使八作使裁按使經畧使覆內使營田使觀軍容使

牧守類

留守

左傳晉侯將伐鄭荀營居守音史記漢高祖留蕭何守關中乃有留守之任後漢世祖每征討常令通居守後魏文帝南伐以太尉元丕留守京師乃有留守之號唐朝天子在西京則有東都留守在東都則有西京留守

內史

秦始皇始稱京郡守爲內史漢景帝始稱王國守爲內史武帝改稱京郡守爲尹成帝始稱王國守爲相隋始稱郡守爲刺史宋太祖改稱知州高宗改稱知府元改稱總管

位不可僭

太宗自京尹嗣位秦王繼之秦王敗但命近臣權知開封百餘年間非東宮親王不去權字意謂京尹曾經祖宗爲之故人臣不敢居猶唐以太宗嘗爲尚書令後三百年間無敢爲者雖郭尚父之勳蓋亦避之

萬石君

漢石奮號萬石君馮陽宣帝時爲弘農大守八子皆二千石號萬石君東漢秦彭與群從同時爲二千

石者五人三輔號萬石秦氏唐張文璿高祖時爲侍中有四子皆至三品人謂之萬石張家又西漢嚴延年兄弟五人皆至大官東海號其母曰萬石嚴姬

會稽郡

漢郡極大又屬吏皆所自除故其權勢炎炎非後世比只以會稽郡攷之縣二十六吳郡蘇州也烏傷婺州也毘陵常州也山陰越州也由拳注云古之樵李即秀州也太末衢州也烏程湖州也餘杭杭州也鄞州明州也以此考之即今浙東西之地乃漢一郡耳宜乎朱買臣等爲之氣焰赫赫如此

五馬太守

世謂太守爲五馬人罕知其故事或言詩云子子千旌在沒之都素絲組之良馬五之鄭注謂周禮州長建旌漢太守比州長法御五馬故云又云古乘駟馬車至漢時太守出則增一馬事見漢官儀又云北齊柳元伯五子同時領郡時五馬參差于庭故時人呼太守爲五馬

獨立使君

裴俠與諸牧守俱謁周文刺史命俠邪立謂諸牧守

曰僕奉公爲天下之最衆中如有俠者與俱立周文厚俠號獨立使君

俚語

今謂都布按爲大方面知府爲小方面蓋以一方之面訓爲義然魏書劉尼傳云曾祖政爲方面大人宋史董遵誨傳遵誨遣外弟劉琮貢馬太祖解所服珍珠盤龍袍賜之琮曰遵誨人臣豈敢當太祖曰吾方委以方面不此嫌也方面之稱昔固有之矣

久任

宋史名子真上便宜事有曰州縣官相傳以世非法賦歛民窮無告宜遷轉以革其弊元世祖至元二年始罷州縣官世襲逮今日雖久任法亦浸廢謂果得其人固宜不然民必被其毒虐而無所干告也夫久任尚不免有弊况封建乎周臣之言可謂卓見

福星

司馬溫公稱鮮于子駿爲一路福星是以監司爲福星籍川笑林載太守視事三日大排樂人口說云災星退去福星來是郡守亦可以爲福星

知縣

唐會要曰大中五年十二月景陵有賊所掠神門戟架六年四月裴讓知縣蓋知縣之名始起于此矣宋朝會要曰建隆四年六月詔河朔右地魏大名分治劇邑當用能吏思慎釐於縣務持選士于朝行斷自朕心以重其任大理正奚嶼知大名府館陶縣事監察御史王祐知魏縣楊應夢知永濟縣屯田于繼徽知臨清朝臣知縣自嶼等始也

晉陽令

董安于治晉陽問政於蹇老蹇老曰曰忠曰信曰敢

神史彙編

卷之十八

木

清史

董安于曰安忠乎曰忠于主曰安信乎曰信于令曰安敢乎曰敢于不善人董安于曰此三者足矣

少公

唐人呼縣令爲明府承爲贊府尉爲少府李太白集有饒陽曲王贊公賈少公石艾尹少公序蓋陽曲丞尉石艾尉也洪容齋隨筆載晏幾道與通叟原少公亦用此杜詩有野望因過常少仙一篇所謂落盡高天日幽人未遣問者蜀士注云少仙應真言縣尉縣尉謂之少府而梅福爲尉有神仙之二

神仙

別駕

唐六典曰後漢州置別駕歷代皆有之杜佑云別駕本因漢置隨刺史巡察若今觀察之有副使也宋朝與長史司馬並爲散官云通典曰從刺使行部別乘一乘傳車故謂之別駕漢制也晉庾亮曰別駕與刺史別乘任刺史半故曰半刺

掾史類

主事

通典曰主事二漢有之漢光祿勳有南北庭主事范曄光祿主事是也後魏于尚書諸司置主事令史

神史彙編

卷之十八

七

清史

名隋煬帝去今史名但曰主事隨曹開闢每十令史置一主事雜用士人唐用流外

都事令史

又曰尚書有都令史隋開皇初時改爲都事又曰今史漢官儀曰能通蒼頡史籀官補蘭臺令史漢韋彪疏曰往時楚獄大起故署令史以助郎職事也按史記項羽本紀曰陳嬰者故東陽令史則是秦有令史矣晉灼曰漢儀注令史曰令史丞史曰丞史而周禮六官之屬皆主史以掌書

書手

蔡應記宋術江淮人應明經舉元和初至河陰縣因疾病廢業爲塩鍊院書手

三老

秦始皇始制里三老亭長嗇夫游徼三老即今里老亭長即今里長嗇夫即今糧長游徼即今火夫總甲

場務官

五代以前官制及士大夫碑碣並不見有場務監官親見所在場務多是藩鎮差牙校不立程課法式公肆緣剥全無誰何百姓不勝其害故建隆以來

御史集編 卷之七十八

三百六十四

置官監臨制度一新利歸公上官不擾而民無害至今便之

耆壽

會要天寶十三載勅諸郡縣父老以押司錄事老者轉升爲耆壽而不掌吏事

蛾眉

唐制兩省供奉官東西對立謂之蛾眉班

伍伯

續漢志注云伍伯公八人中二千石六人千石六百石皆四人自百石以下皆二人黃綬武官伍伯六

人辟車鈴下侍闔門關部署衛走卒皆有程品多少隨所典領率皆赤帽絳襜即今行鞭杖者

匠工

唐秘書省有熟紙匠十人裝潢匠六人潢集韵音胡曠切釋名染紙也齊民要術有裝潢帛法云浸藥汁入潢凡潢紙減白便是染則年久色暗蓋染黃也後有雌黃治書法云潢訖治者佳先治入潢則動要術後魏賈總撰則古用黃紙寫書久矣寫訖入潢辟蠹也今惟釋藏經如此先寫後潢要術又凡打帛欲生生則堅厚則打紙工蓋熟帛匠也

王官類 卷之七十八

九

王官類

傳相中尉

漢高祖初置諸王傳相中尉傳即今紀善相即今長史中尉即今護衛也魏武帝加記室晉武帝加文學宋武帝加侍讀及王友唐文皇始置教授以誨王之子孫宋太宗置王侍講

翊善

宋朝王府之官多省不置別置翊善曰某王府翊善翊善古王傳之任其名位甚輕宋朝會要曰太平興國八年三月以戴元爲衛王府圖象爲廣平王

府楊可法爲皇太子翊善蓋自此始也

女封類

婦人封

春秋左氏傳晉敗齊師齊侯自齊關入見保者曰勉之齊師敗矣辟女子曰君免乎曰免銳司徒免乎曰免曰苟吾君與吾父免可若何齊侯以爲有禮與之石筓此婦人得封之始也事物紀原

封夫人

唐虞夏商公侯之妻尚無夫人之號由周克商列爵惟五于其封國皆稱君其妻皆爲夫人其事雜見事物紀原

松禮詩雖皆命于天子亦無封冊之禮漢崔篆母

師氏通經學百家之言王莽寵以殊禮賜號義成

夫人則夫人之封自莽始也蓋自曾昭公娶于吳

爲同姓夫人始不命于天子至莽乃加封號云事物紀原

原

國夫人

宋鄱陽侯孟懷王母拜國夫人洎隋高涼洗氏以功

封譙國太夫人此夫人封國之始也見通典事物紀原

郡君縣君

漢武帝尊王太后母臧兒爲平原君平原漢郡此

郡君之始也又封太后徵時金王孫家所生姊號脩成君此縣君之始也事物紀原

夫人郡君立碑

金石錄載趙彥深母傳太妃碑額題齊故女侍中宜陽國貞穆大妃傳氏碑按北史後魏女侍中視三品然本後宮嬪御之職今以宰相母爲之惟見乎此然不但宰相母也如清河王岳母山氏封郡君授女侍中入侍皇后元乂之妻亦拜女侍中封新平郡君此類不一則知當時女侍中之號非必專處後宮嬪御蓋有近臣貴戚之母若妻事物紀原

以示殊寵耳然以宰相之母尊爲大妃其禮可見

太君

唐制四品妻爲郡君五品爲縣君其母邑號皆加太

君封稱太此其始也事物紀原

婦女爲侯

漢樊噲以呂后女弟呂嬃爲婦噲死嬃封爲臨光侯

女史

古者后夫人必有女史彤管之法后妃羣妾以禮御于君所女史書其環以進退之生子月辰則以金環退之當御事物紀原